



UWAKIKA WA TAUHIDI

UNAPATIKANAJE?

MKUSANYAJI NA MKALIMANI: UMMATI ABDALLAH, ABUU MUHAMMAD

CHANGIA UKAMILISHAJI WA UJENZI WA MARKAZI IBNU UTHAIMIN DODOMA:

MPESA: 0743 60 53 23

TIGO PESA: 0675 88 87 43

CRDB: 01334797708800

Jina litakuja: Ibnu Uthaimin Islamiyah

فتاوى نور على الدرب للعثيمين (1/ 2، بترقيم الشاملة آليا)

كيف يحقق المسلم التوحيد؟

فأجاب رحمه الله تعالى: يحقق التوحيد بالإخلاص لله عز وجل، وأن تكون عبادته لله تعالى وحده لا يرائي فيها ولا يحابي فيها، وإنما يعبد الله مخلصاً له الدين، هذا بالنسبة للعبادة. كذلك أيضاً بالنسبة للربوبية: لا يعتمد إلا على الله، ولا يستعين إلا بالله، قال النبي صلى الله عليه وعلى آله وسلم لابن عمه وهو عبد الله بن عباس رضي الله عنهما: (يا غلام إني أعلمك كلمات: احفظ الله يحفظك، احفظ الله تجده تجاهك، إذا سألت فاسأل الله، وإذا استعنت فاستعن بالله. واعلم أن الأمة لو اجتمعوا على أن ينفعوك بشيء لم ينفعوك إلا بشيء قد كتبه الله لك، ولو اجتمعوا على أن يضروك بشيء لم يضروك إلا بشيء قد كتبه الله عليك). وعليه أن يسأل الله دائماً الثبات على الحق وعلى التوحيد، فإن كثيراً من الناس وإن كان معه أصل التوحيد لكن يكون هناك أشياء منقصة، وأضرب لك مثلاً شائعاً عند الناس يتهاونون به، وهو الاعتماد على الأسباب، فإن من المعلوم أن الله سبحانه وتعالى قدر للأشياء أسباباً: فالمرض قدر الله للشفاء منه أسباباً، والجهل قدر الله تعالى للتخلص منه أسباباً، الأولاد قدر الله لهم أسباباً، وهلم جرّاً. فبعض الناس يعتمد على السبب: فتجده إذا مرض يتعلق قلبه تعلقاً كلياً بالمستشفى وأطبائه، ويذهب وكأن الشفاء بأيديهم، وينسى أن الله سبحانه وتعالى جعل هؤلاء أسباباً قد تنفع وقد لا تنفع، فإن نفعت فبفضل الله وتقديره، وإن لم تنفع فبعدل الله وتقديره، فلا ينبغي بل لا يجوز أن ينسى الإنسان المتسبب ويتفكر للسبب، نعم نحن لا ننكر أن السبب له تأثير في المسبب، لكن هذا التأثير إنما كان بإذن الله عز وجل، كما قال الله تبارك وتعالى في السحرة: (فَيَتَعَلَّمُونَ مِنْهُمَا مَا يُفَرِّقُونَ بِهِ بَيْنَ الْمَرْءِ وَزَوْجِهِ) قال (وَمَا هُمْ بِضَارِّينَ بِهِ مِنْ أَحَدٍ إِلَّا بِإِذْنِ اللَّهِ). فالله أن تحقيق التوحيد هو تعلق القلب بالله تبارك وتعالى خوفاً وطمعاً، وتخصيص العبادة له وحده.

Aliulizwa Sheikh Ibnu Uthaimin Allah amrehemu swali lifuatalo ;

VIPI MUISLAMU ATAHAKIKI UKAMILIFU WA TAUHIDI?

AKAJIBU:

“ Muislamu atahakiki ukamilifu wa Tauhidi kwa kumtakasia Ibada Allah Aliyetukuka na Mwenye nguvu kwa kuzifanya ibada zake ziwe kwa ajili ya Allah pekee; akawa si mwenye kujionyesha (kwa viumbe) ndani ya utendaji wa ibada hizo wala si mwenye kujipendekeza kwa viumbe, bali yeye akawa anamuabudu Allah kwa kutakasa nia ya matendo yake kwa ajili yake tu; hii ni namna ya kuhakiki Tauhidi katika upande wa IBADA.

Ama katika upande wa Ulezi wa Allah; anatakiwa asiwe anamtegemea yeyote isipokuwa Allah , wala asiwe anamuomba msaada yeyote isipokuwa Allah; kama alivyosema Mtume swallallahu alaihi wasallam {{ Ewe Kijana hakika mimi nakuelimisha mambo yafuatayo; Muhifadhi Allah naye atakuhifadhi, muhifadhi Allah utamkuta uendapo, pindi unapoomba basi muombe Allah tu, na pindi unapohitaji msaada basi muombe Allah msaada . Na tambua kuwa lau kama watu wote wangekusanyika ili wakunufaishe kwa jambo lolote , wasingeweza kukunufaisha isipokuwa kwa kitu ambacho Allah amekuandikia , na lau kama wangekusanyika ili wakudhuru kwa chochote, wasingeweza kukudhuru isipokuwa kwa kiwango ambacho Allah amekuandikia juu yako }}.

Na muislamu daima anawajibika kumuomba Allah kuthibiti imara katika haki na Tauhidi, kwani kuna watu wengi ambao wanayo asili ya Tauhidi lakini wanakuwa na mambo mbalimbali yenye kupunguza Tauhidi yao. Nitakupigia mfano mmoja ambao umeenea sana kwa watu na wanaudharau : nalo ni jambo la kutegemea katika sababu za mambo. Bila shaka ni jambo lifahamikalo kwamba Allah amekadiria sababu kwa ajili ya utokeaji wa mambo (matukio). Mfano maradhi, Allah amekadiria sababu kwa ajili ya kupona kutokana na maradhi hayo. Na mifano mengine.

Baadhi ya watu huwa wanategemea kwenye sababu , utamkuta pindi mtu huyo anapougua, moyo wake huwa unaambatana na hospitali na madaktari uambatanaji wa moja kwa moja, na anapokwenda hospitali kwa madaktari anakwenda kana kwamba kupona kupo katika mikono yao. Na anasahau kwamba Allah amewafanya hao madaktari kuwa ni sababu tu ya kupona inaweza ikafaidisha matokeo ya kupona au isifaidishe chochote. Sababu hizi endapo zitafaidisha, basi ni kwa fadhila za Allah na makadirio yake , na endapo hazitosaidia chochote ni kwa uadilifu wa Allah na makadirio yake pia.

Haipasi wala haifai mtu akawa anamsahau mwenye kusababisha (ambaye ni Allah) halafu akawa anafikiria sababu tu (kama vile madaktari n.k.). Sisi hatukatai kwamba sababu zina athari kwenye jambo lililosababishwa kutokea, lakini athari hii ni kutokana na makadirio ya Allah, kama alivyosema Allah Mtukufu kuhusu wachawi; ((Wakajifundisha uchawi kutoka kwao, wakautumia kutenganisha baina ya mtu na mkewe)),kisha

akasema ((....na wala hawatomdhuru yeyote kwa uchawi huo isipokuwa kwa idhini ya Allah)).

Jambo la msingi ni kwamba , hakika kuhakiki upatikanaji wa Tauhidi ni kuuambatanisha moyo kwa Allah katika hofu ya mtu na matumaini yake, na kumuhusisha yeye pekee katika makusudio ya ibada zote.) Mwisho wa jibu la Sheikh.

UCHAMBUZI MFUPI:

Ili kuhakiki ukamilifu wa Tauhidi kwa kila mmojawetu, ni lazima alazimiane na kumpwekesha Allah katika kila jambo lenye kumuhusu Allah pekee. Ndio maana sheikh Ibnu Uthaimin Allah amrehemu akataja mambo mawili miongoni mwa yale yatakiwayo kupwekeshwa Allah Mtukufu, nayo ni:

- 1) KUHAKIKI UPEKEE WA ALLAH KATIKA IBADA (Asiabudiwe yeyote kinyume na Allah Mtukufu kwa maneno au matendo ya kiibada)
- 2) KUHAKIKI UPEKEE WA ALLAH KATIKA ULEZI WAKE.(Mfano; Asitumainiwe yeyote katika ulezi na usimamizi wa viumbe isipokuwa Allah pekee).

Katika hili jambo la pili Sheikh ametoa mfano ambao wengi wanajikuta wana mapungufu katika upande wa Tauhidi yao katika hilo. Nalo ni jambo la kuzitegemea sababu mbalimbali na kuzitumainia matumaini ya moja kwa moja yasiyokuwa na mipaka. Hebu tazama jedwali lifuatalo ili upambanukiwe na mfano wa sheikh alioutoa katika maelezo yake;

Tatizo	Sababu za kulitatusa tatizo.	Matokeo ya sababu za utatuzi wa tatizo.	Msababishaji wa matokeo hayo.
1. Ugonjwa	Hospitali, daktari, dawa	Kupona	ALLAH
2. Umasikini	Ajira	Maisha mazuri	ALLAH

Watu wengi wanapokuwa na tatizo la ugonjwa, huwa wanapofanya sababu za kutatusa maradhi yao wakaelekea hospitalini, wakamuona daktari na wakatumia dawa; basi huwa mioyo yao inaambatana na kutegemea moja kwa moja katika sababu hizo walizozifanya kuwa ndizo zitawaletea matokeo ya kupona, na wanamsahau Allah Mtukufu ambaye yeye ndiye mwenye kusababisha utendaji-kazi wa sababu hizo walizozifanya ili zilete matokeo yatarajiwayo. Na hali hii ni alama ya upungufu wa Tauhidi yao.

Na wengine wanapopambana na hali duni ya maisha yao kwa kutafuta ajira ili wawe na maisha mazuri , basi mioyo yao pia huwa inaambatana na kutegemea moja kwa moja katika ajira zao ili ndizo ziwalettee nafuu ya maisha na wakati huo wanamsahau Allah ambaye ndiye msababishaji wa matokeo ya maisha mazuri kupitia sababu ya ajira na nyinginezo . Na hii ni alama ya upungufu wa Tauhidi yao. Allah atusalimishe na hilo.

MWISHO

وصلی اللہ علی محمد وعلی آلہ وصحبہ وسلم